

**ХӨВСГӨЛ АЙМГИЙН ОРОН НУТГИЙН СОНГУУЛЬД БИЕ ДААН НЭР ДЭВШИГЧ
ГАНБААТАРЫН ЭРДЭНЭБИЛЭГИЙН СОНГУУЛИЙН МӨРИЙН ХӨТӨЛБӨР**

2020.07.22.

Мөрөн хот.

Нэр дэвшигч миний бие сонгуулийн мөрийн хөтөлбөрийг **МУ-ЫН УИХ-ЫН** 2020 оны 52 дугаар тогтоолоор баталсан “Алсын хараа-2050” Монгол Улсын урт хугацааны хөгжлийн бодлого, мөн 2010 оны 48 дугаар тогтоолоор баталсан “Монгол Улсын үндэсний аюулгүй байдлын үзэл баримтлал”, 2001 оны 57 дугаар тогтоолоор баталсан “Монгол Улсын бүсчилсэн хөгжлийн үзэл баримтлал”, Хөвсгөл аймгийн Иргэдийн төлөөлөгчдийн хурлын хуралдааны 2015 оны 02 дугаар тогтоолоор баталсан “Хөвсгөл аймгийн нийгэм, эдийн засгийг 2016-2030 онд хөгжүүлэх урт хугацааны хөтөлбөр” зэрэг баримт бичгүүдэд дэвшүүлсэн зорилго, зорилтын хүрээнд, түүнд тулгуурлан Аймаг, нийслэл, сум, дүүргийн Иргэдийн төлөөлөгчдийн хурлын сонгуулийн тухай хууль болон мөн хуулийн 39 дугаар зүйлд нийцүүлэн боловсруулав.

Мөрийн хөтөлбөрийн үндсэн агуулга, зорилго: Хөвсгөл аймагт хууль ёсоор оршин суугаа иргэн бүрийн эрүүл аюулгүй орчинд амьдрах, ажил мэргэжлээ чөлөөтэй сонгож, хөдөлмөр эрхлэн цалин хөлс авах, эрүүл мэндээ хамгаалуулах, эмнэлгийн тусlamж үйлчилгээнд төрөөс үнэ төлбөргүй хамрагдах, төрийн байгууллага албан тушаалтанд өргөдөл, гомдол гаргаж шийдвэрлүүлэх зэрэг Үндсэн хуулиар олгогдсон эрх, эрх чөлөөний баталгааг бодитоор бий болгож, иргэн бүрт хүртээмжтэй төрийн үйлчилгээ, төрийн албаны сахилга батыг төлөвшүүлж, хүнд сурталыг арилгах, эрхээ эдэлж, үүргээ хүлээж, орон нутагтаа сайхан амьдрах иргэний эдийн засаг, нийгэм, хууль зүйн баталгааг төрөөс бүрдүүлэхэд чиглэн ажиллана.

1. Орлоготой иргэн.

/МУ-ЫН ХЭМЖСЭЭНД АЖИЛГҮЙДЛЫН ТУВШИНГӨӨР ХӨВСГӨЛ АЙМАГ ТЭРГҮҮЛЖС БАЙНА./

- 1.1. “COVID-19 цар тахал”-ын дэгдэлтэй холбоотойгоор дотоодын аялал жуулчлал нэмэгдэж, түүнээс олох орлого өндөр өсөлт үзүүлж байна. Иймд Дархадын хотгор, Хорьдал сарьдагийн нуруу, Тэнгис-шишгэд, цаатан ёс заншил гэх мэт байгалийн дурсгалт газрууд, аялал жуулчлалын цогцолбор газруудыг түшиглэн орон нутгийн аялал жуулчлалыг хөгжүүлэх бодлого



2020.07.22

боловсруулан, орон нутгийн аялал жуулчлал болон эдийн засгийг нэмэгдүүлэх бодлого санаачлан хэрэгжүүлнэ.

- 1.2. Иргэдийг мэргэжлийн сургалтад хамруулж, мэргэжлийн сургалт, үйлдвэрлэлийн төвийг ажлын байртай шууд холбон тогтвортой ажил, хөдөлмөр эрхлэх боломжийг бий болгох бодлого баримталж ажиллана.
- 1.3. Орон нутгийн бренд бүтээгдэхүүн, бараа материалыг үйлдвэрлэж, ажлын байр нэмэгдүүлж буй жижиг дунд үйлдвэрлэл болон өрхийн бичил бизнесийг дэмжих бодлогыг хэрэгжүүлнэ.
- 1.4. Ажлын байр нэмэгдүүлсэн, хөгжлийн бэрхшээлтэй иргэдэд ажил олгосон аж ахуйн нэгж болон ажлын байрандаа олон жил тогтвор суурьшилтай ажилласан иргэдийг дэмжихэд чиглэсэн хөтөлбөр санаачилна.
- 1.5. Барилгын материалын үйлдвэрлэлийг хөгжүүлж, бүтээгдэхүүний хэрэгцээг дотоодын үйлдвэрлэлээр хангах бодлого баримтална.
- 1.6. Усалгаатай газар тариаланг сэргээж дэмжих бодлого баримтална. Ажлын байр нэмэгдэж, мөн хүнсний бүтээгдэхүүнийг орон нутагтаа үйлдвэрлэх, төмс, хүнсний ногоо, дотоодын хэрэгцээг хангах боломж бүрдэнэ.
- 1.7. Жимс, жимсгэнэ эмийн ургамал зэрэг дээр нэмүү өртөг шингээж, иргэдийн гар дээрээс авах үнийн дунг нэмэгдүүлэхэд чиглэсэн санаачлагаар гарган хэрэгжүүлнэ.
- 1.8. Орон нутгийн онцлогт тохирсон бодлогын санаачлагаар ажлын байрыг нэмэгдүүлнэ.

2. Эрүүл иргэн.

- 2.1. Сум орон нутагт эрүүл мэндийн үзлэг оношилгоог тогтмол, хүртээмжтэй зохион байгуулахад анхаарч ажиллана.
- 2.2. Иргэдийн эрүүл мэндийн мэдлэгийг нэмэгдүүлэхэд чиглэсэн бодлого боловсруулж, төрийн үйлчилгээний хамтын ажиллагаа, харилцан хяналтыг өргөжүүлэхэд анхаарч ажиллана.
- 2.3. Орон нутагт сайн дурын иргэдэд анхны тусlamж үйлчилгээ болон эм зүйн түргэвчилсэн сургалт зохион байгуулж, өрх айл бүрд эмнэлгийн анхны тусlamж үзээлэх чадавхийг бүрдүүлэхэд чиглэн ажиллана.

3. Хариуцлагатай иргэн:



- 3.1. Төсөв, мөнгө, боловсон хүчний болон эд хөрөнгөний эрх мэдлийг бодитой шилжүүлэх замаар нутгийн өөрөө удирдах байгууллагын бие даасан байдлыг хангана.
- 3.2. Нийгмийн үйлчилгээг чанартай, хүртээмжтэй хувь хүн, гэр бүлийн хөгжлийг бүрэн дэмжсэн байх зарчимд тулгуурласан бодлогоор хэрэгжүүлнэ.
- 3.3. Төрийн үйлчилгээнд иргэдийн хяналт, хамтын ажиллагаа, уялдаа холбоог бий болгох, хардлага, хунд суртлыг арилгахад чиглэсэн санаачлага бий болгоно.

БОЛОВСРУУЛСАН: Г.Эрдэнэбилиг

/БИЕ ДААН НЭР ДЭВШИГЧ/

Хаяг: Хөвсгөл аймаг, Улаан-Уул сум 5-р

баг Төгөл

Регистерийн дугаар

РН92012013

Утас: 99332699

Цахим хаяг: Erdenebileg_012013@yahoo.com



Two handwritten signatures in black ink are present at the bottom of the document. The signature on the left appears to be 'Erdenebileg' and the one on the right appears to be 'Доржжавжаргал'.